

虛白齋存藁



明

乾隆庚戌春鐫

山陰吳泰交

虛白齋存藁



操縵集

對薇集

冰銜集上下

直廬集

驛程雜咏

直廬續集

細吟集上下

細吟續集

憶余年十四五時讀文選及唐宋列朝諸詩集始知古今詩體之殊又從族人處鈔得趙飴山聲調譜始知古今詩體平仄之異顧質鈍性懶不耐多作亦率爾不耐含毫非徒以其時專攻舉業為塾師課所不及也名難實副會多適逢每學使按臨試古學輒列前茅繼且奏賦

行在備員詞館以此起家愚孰甚焉數十年來進

御應教與夫縞紵唱酬皇華紀述積漸成卷錄存行

篋已酉夏校士既週瓜代未及日長多暇因取所存稿

悉授剞劂蓋藉校閱數過破除岑寂遂不復別擇點竄

少陵所云蕭灑送日月者是也噫余生平於舉業曾三折肱尚不敢信為可傳况詩乎雕竣兒子輩還越攜板歸命歲於家山陰吳壽昌書於貴陽試署



虛白齋存藁詩集總目

操縵集第一

對薇集第二

冰銜集上第三

冰銜集下第四

直廬集第五

驛程雜詠第六

直廬續集第七

細吟集上第八

細吟集下第九

細吟續集第十

館課詩上卷八

館課賦

觀海錄卷六

水滸

水滸

水滸

水滸

水滸

水滸

虛白齋存藁

山陰 吳壽昌 表交



操縵集

陽明洞訪文成公築室處

羣山拱禹穴。合沓出深翠。石厂構嵌空。天工剗奧秘。陽明洞天洞。大賢此攸寄。其人偉千載。斯道覺衆寐。撼樹來虬蟬。翻疑真學偽。吾越誰為傳。龍谿暨石簣。厥後首陽殉。念臺先生餘緒遂永墜。俯仰喟遺烈。景企激内媿。竭來屬春晚。遊蹤躡幽邃。襟袖披清風。名山緬茲地。遺築杳難覩。想像巖壑異。洞口行復還。非探金簡字。

培風館紅梅盛開

東山別墅水泐泐

館係先少保  
環洲公別業

斜見紅芳月漸昏。破臘

欲分桃杏色。忍寒終老雪霜魂。緋衣著處人歸里。絳帳

懸邊客在門。慚媿未成嘉樹賦。一枝籬落漫開樽。

鷲峯寺

峯迴路轉洞門幽。行傍寒溪曲曲流。山徑有時穿翠嶺。野禽無數叫鈎輈。三天香氣僧初定。半夜經聲月自秋。擬向白雲深處宿。浮生長為此勾留。

題鷲峯寺壁山水

樹裏幾灣春水綠。雲端一抹晚山青。茆齋竹院無人到。

鎮日名僧自寫經

清明即事

東風吹到一隄春。遍踏青青草趁人。寒食已過上巳未。等閒檢火賜來新。

登吳山次高仁靜谷明經韻

絕頂吳山秀。行行上紫嵩。乍盤途詰曲。屢憩石嶽嵌。分派江湖濶。中衢闕市嚴。城闌縈島嶼。樓閣間筠杉。雷起潮平渡。天空雪積巖。嵐光遙欲滴。海氣近生鹹。予探金笈。睢盱啓玉緘。梅低侵蠟屐。柳短拂青衫。濟勝烟霞癖。流涎麴蘖饒。共隨從事飲。不用大酋監。縞紵聯僑札。

風流繼籍咸餘寒歸路峭斜照遠峯銜佳境真無際豪情固不凡磨崖留月琢懷舊覓雲剡郢客歌難續巴人和在函不堪鄉思發隔岸望征帆

雪中過訪周八虎木孫二贊皇何大松軒三茂  
江雲漠漠峭生風眼見三千色界空就樹都開花綽約  
侵簾小綴玉玲瓏衝寒酒少嫌無力禁體詩多媿未工  
今夜剡溪歸棹晚此身并在月明中

贈春卿金丈

風流真合作吾師樽酒論文興倍之逢眊矐時同露頂  
聽尹唔處獨掀髭夜寒不覺雪三尺春暖先歸梅一枝  
難得竹莊花院住月明何以慰相思

題金丈春卿詩卷

卅年往跡自西東去住那堪問雪鴻賴有吟情隨處好  
不吟明月即清風

雪鴻剩草

鏡裏星星感慨生酒闌燈炮不勝情祇今今我原非故  
惟有波瀾老更成

今我草

初夏階前榴花盛開感賦二首

歲歲榴花開五月今年四月盛花開不知多子尋常種  
却為繁英特地栽

虛白齋存藁  
絳蠟自隨仙褶遠丹房不逐海槎空開軒漫愛濃陰好  
可與熊羆入夢同時予尚  
未舉子

獅子林子參上人

南澗橋南澗水深禪關此處見禪心暫拋講座有花落  
閒倚吟筇無客尋孤石片雲殘子局小樓明月未絃琴  
問誰主者可人意後有貫休前道林

丙興渡

客袞宵傲忽侵晨路指西陵松柏新渡艇無篷剛過雨  
漲沙有跡便行人橫看海勢吞吳會遠送潮聲上富春  
十里往來纔隔岸飽帆各各醉江神

西湖口占

天成佳麗本無雙費却年來點綴忙望去樓臺深著色  
踏歸塵土暗生香尋橋訪寺新圖換景白懷蘇舊興長  
不是

六飛頻賜幸淡粧宜否又濃粧

齋中洋菊係陳君紫佩課僮滋植於其花也賦

此誌贈

近日落籬種何如海外奇別隨番舶到非假上林移路  
越風波險滌均雨露滋珊瑚苞的皪翠羽葉葳蕤洗却  
尋常格標將豔異姿月團擊面面星朶綴離離魚鱗心

全簇鴉黃背半施瓣背俱黃色對盤承瑪瑙隔座散瑠璃花紫

白二種冷骨交加映清芬次第披濃應塗獺髓淡欲掃蛾

眉競秀猗蘭谷分香優鉢池最宜栽晚圃偏見傲新枝

深獲滋培厚嚴防採摘私山非女几下國在背明時見拾

遺地僻塵稀到霜寒力自支燒空訝榴火垂檻陋棠絲

影瘦人爭把粧嬌蜨湯窺辨名增范譜留植補陶籬殊

域花如許前賢品尚遺期君奏絃管多為泛金卮

。 廉訪懷清沈公林園十首

公以年邁乞身既卜築城之南隅復購宅傍廢圃

而疏剔之為遊覽爽塏之所壽昌以戚屬時叨遊

三百五十一

讌承命賦詩敬成五言近體十首粗紀林園諸勝

何處林園勝。芟鋤舊徑茅負城塵迴隔。接宅樹相交。月

榭移荒圃。煙窗俯近郊。懸輿當此地。泉石可無嘲。

何處林園勝。名區占獨多。雙珪禹書穴。一鑑賀湖波。合

賜逍遙榜。真成安樂窩。二疏歸老日。盛事較如何。

何處林園勝。午橋莊始開。欄花廣陵發。公以觀察屏石

點蒼來。公舊提刑滇南堂廠晴宜樹。階新雨未苔。因高魏公節。

多覓晚香栽。晚香堂名

何處林園勝。瓏璽閣影重。檐垂依曲沼。檻繞列奇峰。園中

鑿池中。建萊娛閣。面秦望。背東波穀生寒色。雲衣幻夕

武天柱香爐。諸峯羅列左右

容最宜登眺候新綠雨餘濃

何處林園勝紅亭與碧池勤催放鶴候閒記種魚時籬

眼藤斜蔓塘腰柳亞枝更聞吟興發醉白紀新詩

何處林園勝羣芳逐景新長年香作谷匝地錦成茵霜

果紅苞綻烟篁翠粉勻怡情隨所托若個問朝紳

何處林園勝禽魚樂意關烟霞尋舊約雲水值新還棄

鱸憐銀鯽開籠愛白鵬滄洲歸後夢世慮盡情刪

何處林園勝春菘秋韭香閒心濟抱甕韻事屬還鄉敢

忘葵傾日真堪菊傲霜身名兩無負為圃老其將公於藝蔬

處類其楹曰老圃復題一聯云採菊傍籬隱若意藝葵向日小臣心

四百二十一

何處林園勝耆英此盍簪

公與庶子孫端人先生編修任處泉先生共結娛老之會

同訝紫芝曲獨抱白雲心坐久花承盞杯闌鳥勸斟風

流來往地騶騎莫輕臨

何處林園勝芝蘭傍砌生

閣名萊娛以此春風斑袖舞曉月讀

書聲杖履追仙契菹鱸易宦情時因留屐齒心跡驗雙

清閣下顏心跡雙清四字

### 何黍媵茂才哀詞

才壽得兼難先秋玉樹殘漫勞天上名真作地中官荒

土白楊暮浮雲黃鶴寒蘭亭舊游地嗚咽幾重灘

### 其二

過從惟我輩繫念病加侵聞君病革時猶念及周題苑高靜谷與余輩數人真可愴也空有招魂曲能忘歎逝心離羣霜雁唳夫侶月猿吟不及金昆痛琴亡涕滿襟今兄松軒以哭其弟詩三首見示殊為沉痛

冬日偕陳艇湖童梧岡兩舍人高靜谷明經夜宿南鎮

天南雄鎮會稽東巖壑青蒼夜眺同月影動搖秦望雪江潮依約禹陵風行經虎跡松杉外夢斷雞聲襍被中曉檢殘碑無數在千秋秩祀重三公

春初同人讌集邵氏山莊餞陳艇湖舍人就官

京師

春堤柳細野梅芳綠酒紅燈興倍長雪後窺牕山面面雨中送客樹蒼蒼能詩座盡顏光祿看竹園如顧辟疆清絕玉壺冰共映不知身在故侯鄉堂名冰玉居

詠紅梅和盛擁史茂才韻限刀字

一聲檀板對松醪移賞芳姿風格高勾漏令回砂是骨嶮山地遠雪為操拂來珊瑚樹疑經網雕出瓊英不費刀舉似丰標渾未得苦吟終日媿詩豪

琥珀杯傾換骨醪枝頭點綴韻彌高非爭凡俗花中豔自有冰霜物外操塗作脣朱和露液凍成肌粟試風刀西園雅客增吟興不是詩豪定酒豪

又詠雪 限紅字

去年臘到雪先空  
今歲春歸雪未融  
竹牖宵明長帶月  
棉裘午冷不關風  
呵痕凍硯琉璃碧  
撥點灰爐楫柁紅  
一語村農聞最喜  
麥滋蝗徙定占豐

已卯領鄉薦將北上  
應南宮試述懷二十韻

舊宅今猶住  
重將祖德陳  
勲名垂史策  
科第耀儒紳

自高祖以上累世顯人重江東族居安越水濱汜逢中

落後虛閱百餘春  
壽惜青衿早 曾祖以一名嗟皓首迤

祖終老持門依寶婺  
延澤視貞珉 曾祖母以守先子際

寥寂弱齡超等倫  
辭家拋翰墨  
參幕走風塵  
餽粥資粗

具田園願始伸  
局門却徵聘  
置却課昏晨 先君年未二十即參督撫

大僚幕府四十却聘不出日課昌輩兄弟讀書駑質慚無似  
前途困致身  
即今

攀晚桂已痛隕靈椿  
去去驪駒唱冥冥  
鴻雁賓偶蒙鄉

曲譽敢詡廟廊珍  
家計籌升斗  
行程避棘榛  
初為千里

客已過卅年  
人歲月多淹滯  
風霜少苦辛  
嚴裝付僮僕

餞別荷交親  
知己求奚益  
逢人熱豈因  
寸心難解處衣

上密縫新 家慈年逾六旬出門悵悵以此四載掛

不賦即揚州  
即事 風安謝吳勳即大賓

十里春風郭繁華  
有夢傳樓臺  
成此地烟月照  
何年鶴

背慙初客梅枝笑  
別筵歐公堂  
在望一上蜀岡巔

維揚渡口權樓開萬舸千艘聚似雷爭倚春城綠岸宿  
不知明月照誰來碇風安穩吳娘唱衣露淒清越客杯  
一曲殘歌遙對酒畫橋廿四鎮徘徊

謁天妃廟

神爐烟裊棟雲收恍惚金支與翠旂天上速來河九曲  
殿前長擁水雙流波臣竹捷防淮海估客帆樯避石尤  
忠信分宜占利涉不須重訪濟川舟

車中曲

砥平大道連青徐驛亭村店百里餘掀帷望遠塵撲面

何處柳絲春風初

尚隔京華一千里停車薄暮起平明只認舟行舊時路  
馬蹄蹴踏作波聲

庚辰下第用周石帆學士賀家鑑南再叔新捷

南宮二首韻一自嘲一自慰也

不見扶搖直上時空傳寵鶴舞軒墀看花苦益他人興  
畫餅難充我輩飢眊欲拚長夜醉蒼茫兼動故鄉思  
流光冉冉真成惜隔歲先驚長數髭

闕明

恩詔下經時終擬微軀到

虛白齋存藁  
玉墀詩果能工寧少達字原堪莫不曾飢千山得得來  
蓬梗一枕遠遠付夢思伏櫪壯心難自抑挑燈時復斷  
吟髭

初晤邱二至山孝廉

漫將氣槩說交親自是緇塵拓落人燕市酒闌何處月  
鳳城花發幾經春少年裘馬新無數耆宿文章舊有神  
強欲語君仍自語蓬蒿吾輩未應真

五日石帆學士寓齋招飲以詩見示次韻二首

瀛館風流控紫衢門懸艾虎泛香蒲驚人尚有迴波曲  
照座曾無雲漢圖酒對銅盤和露瀉筵供玉盃是冰鋪

可堪此日鄉心遠五月清涼賀監湖

異方風景欲銷魂佳節招邀一舉樽梅雨江南剛落子

桐雲日下已生孫香羅競羨新衣疊繡縷聊縈舊臂痕

好語殷勤都講在

謂商童  
初孝廉

且隨騷客採芳蓀

古樹歌為邱二孝廉至山賦

邱君甬上之詩人與予把臂長安闈手持杲堂古樹記  
索賦古樹詞斷斷自云樹在先世宅孤松雙柏森輪囷  
竒勢夭矯互相攫之而裂作蒼虬鱗屋梁繪粉久蝕剝  
巋然三樹臣哉鄰載祀六百代四嬪距生初幹疑千春  
國初諸老盛歌詠鴻章垂後鑄貞珉風流忍令忽中絕

舊時往事茲重陳予聞君言起太息閱物增舊人增新  
梓澤已墟平泉圯昔時苑囿今荆榛當其搜剔磬巖谷  
名材輦致充奇珍雲烟過眼石擊火或燬兵燹尋斧斤  
茲樹遭際獨何幸歷劫不逢摧作薪况聞楚材實晉用  
物好易主如環循朝伴清門守片石暮歸豪屋施華茵  
倘非子孫護持力安得宅畔長嶙峋吁嗟邱氏寶遺植  
如凜桀矧遵先民遂令喬木等故國衣冠奕葉澤未湮  
豈非樹古宅亦古焉知漢魏兼嬴秦道傍摩娑人愛惜  
老屋往往來嘉賓臬堂先生棟塘李與邱世世朱陳姻  
記中指叙悉顛末辨香六一標丰神令人見記愧見樹

四百〇一

三百六十二

神遊目想情同真今距作記又百載此宅此樹榮欣欣  
娑娑生意那得盡有賦不勞殷仲文媿余才薄思更窘  
得句未足揚清芬他年訪君枌榆社夕發會稽朝達鄞  
拂拭蒼皮與黛色三宿準擬連昏晨

秦礪泉先生寓齋產瑞芝一本時令嗣君偕諸  
都講應京兆試賦詩志喜次韻四首

先生後為  
余癸未薦

卷房  
師

初日園林曉靄籠  
鳳闈佳氣共蒸曠  
白榆自繞三珠樹  
紫茵新蒸一畝宮  
寶幹擎來猶帶露  
雲腴採出乍臨風  
太平家國多符瑞  
玉殿銅池造化同

虛白齋存藁

操縵集

十一

貯向晶盤藉繡茵科名早見品題新無根瑞草寧論種  
得氣靈姿最有神金榜分輝當旭日玉衡合度應秋旻  
原序中有黃色  
高盈尺云云六莖三秀休誇美近屬螭坳第一人

天香袍袖試先鞭記隔

恩科近十年樹有音聲占瑞應庭垂書帶為名賢生輝  
絕勝藍田璧益壽兼滋華井泉為語桂林攀折手班如  
筍處鎮相聯

紛敷五色比霞蒸聲價真堪益十朋夢裏花開雞距管  
衣邊柳染鵠紋綾一樽留賞人俱韻合座聯吟意更勝  
可但謝家饒玉樹台階老鳳慶先登

九日有感次友人韻二首

西來山翠疊千重枉擬登臨興未濃客館不堪勤把盞  
吟壇何處共攜筇佳辰九九催黃鞠幽徑三三付綠茸  
遙憶茱萸剛遍插全家都上最高峯  
不須風雨逼重陽入眼關山攬客腸紅葉紛時仍此地  
白雲斷處又他鄉射鵰弓燥秋連塞落雁聲清夜隔墻  
差喜衣塵緇未化莫歌彈鋏學寒裳

應教八首

銀潢派迴接高霞流播賢聲最著聞四塞河山盟帶礪  
千秋景慶睹星雲梓材誥是封時錫桐葉珪非戲後分

共說扶輪歸大雅不將叢桂羨繽紛  
棣萼樓成互映輝懿親誼篤自  
彤闈聯賡

殿上晨先召侍讌

宮中晚始歸領袖龍墀介春酒森嚴虎旅

扈秋園獨承

渥寵諸王最湛露光濃日未晞

棟雲簾雨近蓬萊罨畫園林錦繡堆却愛清光依水石  
儘教游客繞池臺步迴芳徑添深曲心對重門見洞開  
試數當時陪賞地漪瀾堂畔一浮杯

鉛麈紛羅試彩毫楚詩沛易未辭勞酉陽購典多懸賞  
午夜繡書自繼膏氣象渾忘龍種貴風流寧羨鶴笙高  
從知雅望歸朱邸學業詞華當代豪  
碧梧影接綠蘿陰唐律吟餘晉帖臨倚馬有才真八斗  
籠鵝無字不千金錦心妙擅天孫織慧業從參內典尋  
便恐西園都閣筆天教翰墨獨成林  
行馬森嚴未易過王門初見禮為羅獨尊賈董師儒重  
並進應劉賓客多花底追陪沾海潤樽前笑語釀春和  
好將鼓吹休明意上答  
虞廷喜起歌

下交難得是忘形特遣談心到後庭玉府圖書多付讀  
瑤樓霓羽亦傳聽夢游彷彿神仙窟眼見分明奎壁星  
何幸齊竿叨濫厠便居客右語丁寧  
鑑曲明湖舊住村場來京輦走塵喧門高敢道登時易  
座近全除禮數煩有句漫思傳鄴下無才何以賦梁園  
一枝許與鷓鴣借最是難酬國士恩

春草四首依韻應教

芊絲試與望平原烟景風光取次繁謝客吟時曾入夢  
江郎賦後最銷魂空庭綠滿迷蓬徑絕塞青留度玉門  
惆悵天涯歸未得萋萋何處問王孫

三百五十二

和風駘宕雨廉纖眼底平燕翠欲添別浦多情勞盼睽  
征袍無色笑遲淹尋芳得路爭盤馬入室窺人耐隔簾  
野店村橋頻認取夕陽斜畔掛青帘

澧蘭沅芷劇關情總待東風吹始生可是托根欣有地  
未妨分種媿無名迴承輦路沾新渥結佩騷壇集衆英  
鷓鴣不鳴芳意在繡茵閒襯落紅輕

三月鶯花景物連江南回首思絲絲行人曉踏隄邊露  
歸騎晴嘶陌上烟園柳相將添翠縷階苔好趁長青錢  
平生不盡婆婆意肯共金城溯昔年

周石帆先生輓詩五十韻

奎壁韜芒夜芝蘭掩馥辰斯文誰大雅當代幾詞人公  
也乾坤秀猗歟學業醇分帷董相宅藏庫杜侯身汲古  
饒脩綆鎔經出大鈞蟲魚探至賾罔象索無垠思緒抽  
成綺詞條蔚若春風騷壇是主屈賈壘非新在昔曲江  
宴早於瀛島親三年勞著作百里走風塵文采留黃閣  
聲名動

紫宸制科殊炳煥奏賦最玢璘淵海才無敵雷霆銳有  
神鴻章嗤剪刻飛管笑逡巡再領清華選重為侍從臣  
榮逾唐陸贄寵繼宋劉筠鄧水醪增賜蓬山筆復振賡  
颺慶嘉會

三百六十一

眷注沐深仁直日依磚少歸鞍徹炬頻

經筵頻顧問

禁草視絲綸既挹朝華秀彌懷秋實珍儲闈荷調護藩  
邸並陶甄仰若河魚岱祥為鳳與麟使槎西蜀道文斗  
大江濱元禮門常峻歐陽鑿獨真程材收杞梓講學闢  
荆榛品藻辭干謁吹噓假笑嘖清聲孚物望古誼範人  
倫能使文章正堪還風俗淳台階宜此踐要路詎難臻  
遽爾桑榆晚依然薑桂辛同年多獨座門下亦通津無  
職離詞翰何心逐搢紳宦情隨海燕鄉夢繞湖菀時公頗切  
豈意遂初賦翻為未了因歸田勞悵望戀闕尚因循

虛白齋存藁  
是月天開子流年歲在辰但聞呼起起無復過麟麟對  
鵬終留楚驂鸞已去秦空留華表語遂結白雲鄰賤子  
稽鄉薦前年滯

帝闈相逢欽矍鑠相顧慰沉湮朽質叨餘論微情寄未  
姻逢人煩說項得御每留荀駒隙光難駐箕躔彩易淪  
朝廷訪遺草弟子祕傳薪故事增臺閣新碑向空宅歌  
同田島客情異翟門賓白馬他鄉會黃蕉半席陳不堪  
酒壚畔嗚咽涕沾巾

叔母來太孺人節孝詩

吾家葦中葉門祚衰不昌吁嗟兩叔氏相繼早見喪季

叔尤可悲少年遊泉漳一朝歌薤露千里哀他鄉賢哉  
叔母賢巾幗植綱常刲股療親疾孝行何芬芳于歸遇  
逆遭噩夢驚墮梁訃至氣欲絕大義全未亡上承姑髮  
白下撫兒口黃完彼未完事此心日月光夙夜勤復勤  
蠶績魚蟹筐奉姑既承歡撫兒惟義方苦心終不負斯  
事信彼蒼吾弟家惠連英英等珪璋讀書報罔極砥行  
規方將陳請達  
帝闈旌門荷

天章詠歌士大夫投贈紛琳琅綽楔允瓌瑋貞珉復焜  
煌庶幾垂志乘百世欽冰霜竊媿猶子誼彤管殷敷揚

家內分貯先世所遺羊脂玉簪一宣德年製雨  
雪爐一以詩紀之

本屬朝冠用先人舊德昭截肪珍淨質叱石稱清標華

髮年時見烏紗世代遙家聲倘吾繼取比漢金貂 王簪

合範諸珍備冬官冊舊存 當日範銅之法曾有見工部  
舊冊者足破俗傳宮燬雜錄

之精多斑作點光煜潤無痕蠹簡薰時避朝衣藝處溫

傳家休易米手澤慎諸孫 有從兄欲以百金  
相易故云 宣爐

時以先八世祖少保公大閱圖藏於伯兄圖為

仇實甫筆再紀一詩

名繪留遺澤經年三百餘立功其朽不 少保公總督  
遼勲業詳明史

列傳寫照儼生如 圖中所貌神廟御容  
及衆公卿皆係寫真 過異雲烟錄傳均

金石儲披圖證青史述德重欵欵

### 虎邱

鶴市西行接虎邱闔廬舊跡我重游仍餘坐石千人滿

枉說金精一劍留向晚碁聲開士觀徹明燈火酒家樓

相逢此地稀愁侶梧葉陰濃况未秋

### 渡楊子江

天南地北限何曾朝發毘陵暮廣陵極浦青蒼山點點

無風鼓盪浪層層春潮鷁首江心鎖夜月鼉梁塔上燈

我是錢塘東渡客祇將沙岸認西興

天妃廟

浦口指清江河流益震盪迅勢潰穴蟻馳波駛奔鞅是  
堰尤險惡陟峻不可上長年促卸帆開頭疾運槳控引  
役更番噪呼及並榜百夫挽一綽進尺退逾丈舟客凜  
難留騰身置高壤莫禁兩股栗安得雙眸朗黑窟遊蛟  
鼉白毫閃罔兩迴視下瀨船一瀉飛電晃心訝須臾變  
力笑推移枉失手觸石棱碎為霹靂響誰無鄉園好晴  
川平如掌棄彼鹿羣遊試茲魚腹往下者既已然難為  
上者想催纜過沉舟心悸成惆悵

癸未歲再下第留京呈劉幹齋夫子二首

三百五十六

昔年講席許陪游親睹人間第一流宦跡近儕何水部  
循聲久重魯中年松筠多節寒如暑桃李無花春易秋  
慙媿廬陵門下士銜枚食葉 帝京留  
重披絳帳對扶風題品仍將舊價同不學長鳴駒局促  
任教善舞鶴毳毳去留已分隨行脚得失終當付塞翁  
有地感恩何以報歸心望斷是南鴻

壽家芝田先生七十

舊聞循吏即醇儒珍重人倫藉楷模下筆早時經吐鳳  
放衙垂老試飛鳧年來杖履誇常健歸去田園及未蕪  
好在孫曾競羅列錦衣不用玉鳩扶

送族祖庭寶孝廉南旋

北闕南山志未堅，客衾乍暖又歸鞭。  
夢留燕市三春雨，人在吳江六月船。  
剩有青氈誇舊物，竟無畫戟繼當年。  
江東勲閥家聲在，話別重繙祖德篇。

先大司馬環洲公與孝廉之祖大司馬留村公並以勲業著於史乘每蒙見勗故及之

呈王曉園侍御

行行驄馬客門緒，最清華香葉傳。  
驅蠹危冠表觸邪，器增天廟重材自豫章。  
誇公望端倪在青箱，屬世家舊秩含香侍新班。  
執簡從風生，仍蘊藉禮在自春容。

公由

儀曹改侍御入手官聲冷趨朝

三百五十二

御氣濃應知溫室樹，定有後凋松。

臺中想丰采，依約十年前。雅度陂千頃，澄懷月萬川。

彈蕉寧讓竹，覩鳳肯為鸚。幸際朝無事，何心諫草傳。

自笑菰蘆士，經年踏軟塵。未酬觀國願，空對杖鄉人。

公今

春歲當得句，慙偷格銜盃。荷飲醇甚知，邀拂拭旅食。又逢

春

以拙詩求正於諸峒嶼，編修賦此致意

盛朝蔚文治，和聲鳴九州。金閨選清華，石渠集炳彪。著

作儷炎漢雅，頌追成周休。明疇鼓吹壇，玷資名流緬。惟

大雅材巖壑，鍾清修舊德。傳遺芬逸步，凌滄洲軒軒長。

安衢耆宿歡追遊證據足根柢風雲窮雕鏤藥階抒麗藻冊府揚

皇猷想當染翰時華實兼春秋洎乎奏御暇賓從相唱酬清思削凡體驚彩空常儔吾鄙所宗師寸楮珍珠矚矧負人倫鑒往往拔其尤燕駿市織驪越鍔收純鉤餘論分齒牙獎成重山邱不才忝里梓匠石猥見收荒穢感疇昔風騷疎尋菟未敢規鮑謝安能撫韓歐蹇行困蹉跎嬰語慙哢嘔近窺作者林百家彌紛糅時賢競綺靡正始忘溫柔擗捨盡優孟謗傷亦蚍蜉倘墮下劣魔獲參上乘不運斤期引墨鸞弧視張侯偽體經別裁茲

道庶有由竊以瓦釜鳴徑於黃鐘投聲價非所希講畫心爰求推敲窘瘦島飛抹懷豪劉回聆岡鳳吟百鳥徒啁啾

初夏逢雨

一聲雷送忽千峰首夏清和此日逢野樹全移陰羃歷階流自響水琤琤定知折角歸應早不礙衝泥出漸慵有客深宵愁寂寞燈前準備舊醅濃

次族祖鑑南農部冬日移居四律

舊遊老阮憶同林樽酒招邀話夜沉守歲未曾喧櫪馬買隣先已罄囊金勾留宦跡鷓鴣寄撥觸鄉心蟋蟀吟

莫怪緇塵勞應接幾人巖壑住山陰

粉署合香拔俗姿依然落拓見襟期典衣差喜朝回早  
掃徑翻嫌客到遲魯酒寒消須共醉唐花風怯倩誰司  
但教簾幕重重護細譜梁州絕豔詞

筆牀茶竈鎮隨身靜裏觀空了宿因簷桷吐絲蛛欲墮  
階除得食鳥知馴殿門座上無殘客步屨籬東有故人

比隣畢秋  
帆殿撰惆悵江鄉梅信早一枝應寄隴頭春

潑水衾裯盡起稜忍寒肌粟夜頻增夢中得句輸生草  
客裏閒歌憶采菱敢比烏衣誇子弟要從白社廁賓朋  
聚書更有三冬課擬向西齋取次徵

唐吳兢聚  
書西齋

呈鄉闈座主湯辛齋夫子三十韻

夫子朝中傑名賢江左稱節多松礪砢尊聳嶽峻嶒

玉陛今連步寒氈舊折肱經畬窮賈鄭文派衍歐曾紫

電礪先發青雲氣上凌果看錢萬選寧異幣三徵宴賜

蓬池鱠光然太乙燈雞栖咸避鶴鶯笑詎知鵬石室窺

都遍瀛洲路任登演綸期補衮珥筆感從繩道合身名

泰階緣貞吉升西臺班乍轉左闈秩旋增鐵勁冠中柱

霜寒簡上凝特標風峻整一輓俗模稜抗疏由忠悃陳

詞異氣矜刑章寬玉律獄吏黜蒼鷹履尾亨原在櫻鱗

怒未曾直聲存

虛白齋存藁  
黼座陰德及黎蒸允在

帝心簡真為輿望憑使星恒遠耀卿月正宵澄浙水濤  
如雪秋闈鑑若冰掄才搜瑰異索駿選超騰器識嚴行  
儉門牆峻李膺羣倫仰師表朽質忝賓興拂拭光仍祕  
穠毳舞不勝頻年塵堀堞中歲髮鬢髻知已恩難負尤  
人分豈應平心近棋局壯志攬銅菱瑤島三千里瓊樓  
十二層此身如可到底不媿師承

除夕次友人韻

駝裘茸帽 帝京塵驚看門符忽換新客裏那堪桃梗  
泛來時早負杏花春終年氎毼憑誰打一夜屠蘇不記

巡休撥冷灰書闕字樽前盡是未歸人

元日疊前韻

六街侵曉淨無塵想見書雲景物新得意他鄉佳節酒  
關心雞日鳳城春拈來粉荔迎年贈笑去檐梅隔歲巡  
遙羨侍中重席坐候門待訪退朝人

市中見賣各種唐花

挽回元化事真能此地斯時得未曾開處煖添深窖火  
賣來寒怯御河冰儼居端合依花市種法何緣問馬塍  
回憶鄉園過三九玉梅消息亦堪憑

新歲偶成

雙扉空擬日常關客裏何曾得暫閒花事先春開次第  
酒人獻歲飲循環青袍自對池邊草白眼魚看雪後山  
欲唱驪駒知未穩柳條初嫩不堪攀

諸桐嶼編修雪日招飲賦成二律

非絮非花委路塵堦扉祇合對湘醇但驚頃刻階三尺  
不覺流連盞數巡滅燭輝生難辨夜圍爐寒退別成春  
長安此會真堪幸拚作生涯爛醉人  
侍臣朝罷愛沾衣折簡招呼與俗違火窖花開迎煖信  
玉珂客散避寒威詩成禁體心精在悟徹浮生爪印非  
且盡樽前休感慨由來郢曲和人稀

春日曹竹虛編修招同諸桐嶼王詒堂兩編修  
王偉人殿撰阮唐山舍人城東泛舟至王氏園  
分韻得盍字

出郭始通舟晴瀾岸環匝蘆芽柳復絲春老青陰合羣  
公倦塵鞅乘興遠攜榼野航恰受人三五相紛選時傳  
語笑譁響與湍流答烟墟卧古碣漫漶不堪搨逕穿松  
林深涼翠互攀踏曲館歷逶迤殘山俯合沓試茗趨新  
社沽醅餘舊臘有時藉草眠襟袖增爽颯年來二毛見  
鬢絲傍禪榻惟將汗漫期風流媿裘屐所幸人素心快  
茲朋簪盍因之破寂寥並以謝冗雜薄暮起棹謳九閩

又傳蠟

竹虛編修復招諸同人集飲陶然亭賦詩二十

韻

霽日天氣新九衢競飛蓋欣逢校書暇  
 禊飲招儕輩聯轡城南隅即景殊疎快  
 野塘碧沿綠林柯青蔚蒼戢戢荻筍肥  
 剡剡麥苗大舍策驀禪局亭空了無礙  
 層巒勢蜿蟺西爽襲襟帶雲梯復危踏  
 目窮千里外黃瓦耀長霄紫闥亘絕塞  
 曠懷坐超忽長嘯起慷慨座客促傳觴  
 興酣有餘態雄談雜詼嘲幻伎徵狡獪  
時有口技及舞杯盤之戲始知山林性亦在  
 城市內鄙人家巖壑佳境誇吳會京雒

二百七十一

偶滯留緇衣成襖襪潭池負春光冥蒙落  
 塵壻如蠶繭自裹非鳳羽常鍛茲獲物外  
 觀抽身入游隊何異竹林杯恍續蘭渚會  
 立馬誰能還夕霞散蒼靄

諸桐嶼編修寓齋同詠四首

梅花

急景寒將盡芳枝徧著花堂曾題白玉盆  
 訝點丹砂盆梅紅驛路逢春少鄉心入夢賒  
 祇應動詩興吟閣對橫斜

水仙

劇愛瓊瓏玉檀心綴翠鈿生涯長傍水  
 標格本如仙小盞擎逾重微波步獨妍  
 梅兄憐客雅一笑共嫣然

香櫞

橘袖同包日稀聞貢枸櫞定嫌香冷淡差喜顆勻圓盤  
月將堆後林霜未摘前寸心懷碩果留取伴殘年

佛手柑

一指禪如是誰為說賣柑金莖分露掌黃面禮瞿曇妙  
共香名飲微將鼻觀參還思好春色再訪洞庭南

次傅巖溪大鴻臚移居詩韻四首

名卿退食愛焚香白首風流異作郎自昔聲華歸侍從  
祇今庭院劇清涼樓高慣聽臨風笛客散還飛對月觴  
無數朝端排鷺序和鳴端合讓鸞凰

滾滾紅塵走

帝城蓬壺清境閉門成常思子美千間

庇不慕長源一品榮花院竹莊新得主玉杯珠柱舊留

名愛看石上藤蘿月近照瑤臺徹夜清

楊柳陰疎水拍隄移家喜傍御河西玉階官散先歸

馬銀箭聲高省聽雞有酒合供中聖樂無詩不在上頭

題魏公近得寒花句肯為秋容格稍低

西風襍被偶相於家本山陰道上居蟹舍漁莊空著我

蘆簾紙閣幸分子

昌曾寓王曉園侍御宅

甘成俗客居無竹稍減

歸心食有魚一讀公詩一惆悵二毛已見待何如

再次韻四首

虛白齋子集

操縵集

二十五

畫戟森嚴燕寢香槐卿詩格繼章郎化衣塵土重門隔  
入室風颺徹院涼堂上圖書臺上客石邊棋局竹邊觴  
高情不受樊籠寄棲作梧枝老鳳凰

底須上界住層城一枕遊仙夢已成望裏輕雲過北闕

閒中晴日坐南榮得隣王翰情相契宅與偉人殿撰比隣曾臥表

安舊有名筠齋都諫曾居是宅多少風流熟來往當筵長對玉壺

清

醉帽歸歌唱大隄吟鞭信指鳳城西多年宦跡依金馬

萬里鄉心夢碧雞賴有松筠娛晚節肯將風月欠新題

殷勤聽屬門前柳莫弄柔枝向客低

三百七十七

福性幽棲得所於十弓也拓舊時居臨牕點易思觀我

入座談詩謝起予良夜同傾伯倫酒西風獨羨季鷹魚

他年洛社瞻華髮得會耆英已皓如

次韻家鑑南農部秋雨排悶三首

生衣催換篋頻搜每聽瀟瀟攪客愁小院有聲涼葉夜

空階無賴候蟲秋漸侵書帙慵移案初施燈花急覆篝

獨對蒼茫懷舊侶故鄉烟水負盟鷗

渠溜新穿漲復加門稀剥啄巷迴車雲泥地望從教隔

冷暖心情肯使差幕重尚留如客燕池荒難散為私蛙

閒身合傍籬東住不近重陽總未花

尚滯歸鴻報近安天涯蹤跡去留難波濤暗閱人中海  
拓落慙逢要路官南望扁舟連水國西來爽氣待晴巒  
祇應早赴茅齋約共買寒醪賞夜殘

素心蘭

九畹移根春未闌別留素質冠騷壇山林氣味寧嫌淡  
雪月生涯劇耐寒粉室留光烟冉冉瑤臺散影夜漫漫  
須知消得高人賞沆芷江離欲並難  
祇將冰雪擬丰姿剩有心期未易知秋雨遲逢芳圃菊  
春風先傍玉階芝得朋耐久香殊妙避俗翻新格更奇  
珍重高齋好留伴一樽清影對參差

歸雁

蒹葭霜重見南征千里歸飛候已更未必稻梁真得計  
何妨矰繳暫忘情雲深識路爭聯陣塞近驚寒忍斷聲  
謝爾將書遙寄我昨宵鄉夢正分明

仲秋出都南返聊賦四律奉別羣公

歸鞭南指逐征鴻根觸羈懷節物中豈為田廬長戀戀  
一辭京國便匆匆謀生不作涖魚計閱世誰如失馬翁  
記否路傍搖落樹昔年攀折正春風

幾度星霜淹後多長安似弈飽經過澁囊正恐金都盡  
溫券差看刺未磨市駿燕臺頻翫麟探竒周鼓一摩挲

極知不負南來意懷古踟躕且浩歌

果然黍谷變為溫吹律鄒陽舊管存枯菀茫茫難自料

去來得得與誰論碎琴人正麟臺字買賦金裁犢鼻禪

感謝天涯有知己將絲遍繡繡平原

不久巢痕揔寂寥安枝猥許借鷦鷯時寓竹虛太史宅枯桑有

戀餘三宿陋巷難歸剩一瓢且脫征衫騎款段敢憑倦

翻上扶搖他時相憶勞馳訊家傍南塘第五橋里居近南塘之

第五橋然非少陵所詠處也

虛白齋存藁

山陰 吳壽昌 秦交

對薇集 起乙酉訖戊子

嚴陵釣臺

嚴灘片石舊漁磯隱士曾經入帝畿應悔羊裘招物色

釣師祇合著蓑衣

樟樹鎮經王文成公誓師處

將軍威武詔親征幕府先傳寇盪平九廟戎機等兒戲

千秋名世屬儒生河山枉靳疏封賞俎豆長留祀庶榮

慨息當年誓師地交流章貢萬灘聲

度大庾嶺

迢迢望大庾五嶺此初進勢與浮雲齊拔地數千仞天  
道界南喬連山俱陡峻巖扃閉蒙茸石劒礪芒刃磴滑  
失天梯崖危驅鳥陣想當開鑿時鬼斧逞雄儁遂令一  
線開千蹤日蹂躪我來值溽暑曉翠沾衣潤躡險足易  
疲觸熱心彌慎竹輿亦局趣小憩始能振嶺半樹雄關  
碑字莓苔濬恐傷望遠懷拂拭誰為認絕頂凌蒼茫海  
天同一瞬茲時無片雲雷雨下方震決昔瘴烟濃馳情  
日駒迅何當宿山郵夜探南枝信

張文獻公祠

鑑自千秋在開元政已荒棄臣真蘊藉孤主竟郎當羽  
扇恩猶感金丸懼豈忘江頭雙海燕飛繞舊祠傍

飛來寺

峽山當半宿有寺古飛來峰勢東西向雲關上下開殿  
寒泉咽石僧定徑封苔洞口猿歸處陰森萬木栽

廣州雜詠八首

嶺南風景似江南荒徼今同樂土耽八桂郡高山瘴隔  
五羊城近海波涵魚鹽沃業民藏富貨貝珍羅吏戒貪  
跋扈雄藩有遺宅百年父老竟誰諳

五嶺迢迢接二禺墟多翡翠邏芙蓉潮田應信溝塍滿

村樹交陰橘柚濃  
蟹戶生涯珠有市  
鮫人邑里織無蹤  
蓬萊島遠如堪望  
望海樓登第一重

踏青分道上呼鸞  
葵箠綿裘畧帶寒  
垂老居人驚雪下  
未春時節有花看  
催蓼茉莉宵盈閣  
遞噉檳榔曉上盤  
我恨欠嘗珍果味  
到來不及荔支丹

魚藻門邊萬萬家  
祇將蜃市閱繁華  
功曹故苑新迎佛  
顯德空園舊種花  
牡蠣雨垣圍短短  
貝多風葉散斜斜  
參軍不久能蠻語  
合採風謠待使車

此鄉多玉舊曾聞  
番舶年來到益紛  
絕島猶知求互市  
慳囊誰與辨同文  
尋常寶樹珊瑚價  
次第名香篤耨薰

起綺朱衣居列肆  
底須消息越裳君

負固休誇霸業多  
昔年割據盡么麼  
降王位次先劉鋹

老吏稱名屈趙佗  
賸有文禽喚都護  
誰將逝水問波羅

塔榕寺外蘇公蹟  
如斗高懸字不磨

宋家一綫盡崖門  
碧海難招二烈魂  
謂張陸二公正氣總如

文信國才名深媿  
趙王孫識歸白鴈  
終移祚變起黃袍

本負恩太息六陵  
同此地冬青不見  
遍荒原

燕去鴻回感客心  
三千里外雙登臨  
異鄉常覺海山改

長道劇憐寒暑侵  
王龍著書兼問俗  
陸生歸橐但裘金

誰知樂叙天倫意  
風雨聯牀話夜深  
時余以晤諸兄入粵

附錄錢孝廉以清先生和韻

蘇籍吳中翰自粵東歸望以廣州八詠見示因  
次其韻和之東施舉醜已無青笑之心南阮眼  
青羞有綠情之作因風寫意不足當一噓也

八日  
見天南佳道南粵東風景舊曾耽柳陰散雨庵頭  
過珠氣澄霞蚌裏涵但使沉香投浦去不妨清吏飲  
泉會蠻江一騎斑駁路樓上簫聲仔細諳

花田游客感番禺巖壘深深遍綠蓉劉趙河山霸事  
遠羅浮風雨瘴雲濃人來梅嶺春無信地號珠江舊  
有蹤莫向此邦尋勝槩峯高迴雁已重重

三百八

越王臺畔昔鳴鸞選勝登高海色寒任尉雄心今後  
短樓船使節舊時看文禽歲久能調舌桂蠹香消未  
進盤聞說鮮竒多上貢荔支應匹建溪丹

清海雄州帝子家浪將南土敵中華遺民舊壘傳奇  
石古殿空王散落花險隔炎荒五嶺盡泉名學士十  
流斜只今窮髮皆臣妾百粵迢迢接使車

厓山颶浪陡潮門烈烈祥興少帝魂竟失慈寧一塊  
肉爭如德祐六皇孫瓣香終厄亡朝傑同溺能忘趙  
氏恩回首故元起輦谷蕭蕭獵火走平原

桂林風俗舊曾聞百和蒸蒸花氣紛珠女懷春慵嫁

虛白齋存  
壻香姬侍墨幼能文綠抽蕉葉蠻牋膩紅到山棉妓  
館薰若訪陸生當日事羅裙甲帳待夫君

南武前朝戰伐多時清久已靜么麼丹砂何處尋仙  
令紫貝由來貢尉佗洗口草深平似掌灘江水滑淨  
於羅梁家別有新聲怨恩重明珠恨未磨

驛使迢迢繫遠心三千里外怯登臨林鳥落月啼難  
斷山鬼寒風嘯易侵但有戈船名下瀨誰能載石勝  
囊金杜門倦作雙江客黃葉離離夜雨深

清遠峽口遇雨夜泊

峽口停橈早瀟瀟雨暗催江荒侵夜斷秋老阻風迴倦

客頻移枕癡童自舉杯打篷聽未歇休誤曉颿開

下灘歌三首

十八灘頭石作叢舟行如螳曲能通長年捩柁又看

下瀨輕舸不帆去聲風江右以三板船為最大次名舸子

黃公灘後蓼灘前惶恐灘本名黃公又有大小蓼灘先賽江神索犒錢

為趁買牲多買酒醉無風浪大家眠

石罅驚湍吼若雷船中初客面如灰灘師見慣誇安穩

生小經行歲十回

豐城阻風

海國離多日還逢颶母驚奔馳翻地軸浩蕩急江聲枉

渚鷗爭避危樯客斷行空瞻斗牛氣夜夜倚江城

南昌阻風因登滕王閣

棟雲淄淄雨濛濛高倚危欄眼界空令節已過重九宴  
歸程尚滯片帆風江山千古看逾壯詞賦三王讀盡工  
聞說東南美賓主未須祭戟避羣公

貴溪道中

山低於岸石如城百丈牽來曲曲行歸雁有羣多並下  
去帆無際自孤征江邊落葉經秋樹枕上寒濤入夜聲  
露宿風餐緣底事回頭已是半年程

汪氏雙節詩為龍莊進士作

從一占羲爻靡它誦衛詩苦節古所重二難尤稱奇賢  
哉汪氏母實惟閨中師鞠彼前室女拊茲側室兒藁砧  
逝粵海宦橐歸無錐制淚奉衰姑勿令白髮悲完卵懼  
巢覆門戶勞支持吁嗟生兒母艱苦恒相隨一如枯井  
水井枯波不滋一如秋竹竿竹寒節滿枝皎皎同室中  
合璧無點疵遂成令子名讀書聲四馳徽音邀  
天旌琬 鐫鴻辭用慰泉下魂亦報堂上慈以此勵風  
化綱常永不墮欲書乏彤管惟緬冰霜安

送商五童初之官房山

宿雨洗深秋天街迴森爽離觴約同街萸菊供新賞故

虛白齋存藁  
人榮獻策青雲致身上翻恨揆天才銅符走塵鞅學古  
服官政斯責關吾黨所懷循卓風治行輝疇曩簿領日  
劇繁未為驥足枉奉先畿輔邑醇樸美風壤其勝距西  
巖石房豁脩廣政成事歌嘯殊足發遐想行行酒數巡  
贈言多慨慷鸞鷗誰為分一問蒲亭長

蘭

曾藝無人處孤標耐歲寒近從亭際賞宛向谷中看臭  
比同心好芳慙竟體難所欣採而佩留伴入騷壇

桃花

期爾芳菲節先開格自高誰知紅豔質亦帶雪霜操笑

豈去年見來非前度勞還憐問津日洞口有漁翁

送潘大昊如之官江右

誰似明經舉青衫即宰官詩書榮得力簿領見才難拾  
芥寧勞羨我花早待看少年多意氣騶從出長安  
捧檄能無喜暉暉寸草春才非慙著作勞敢避風塵潔  
白平時養循良此日身一官通籍始最重是親民  
江右連南粵前年我獨行一肩山轎送三板驛船迎茲  
土多蘆吏君名動鉅卿何當令彭澤重訪晉泉明  
折取都門柳他鄉贈別心十年頻對酒千里又分襟梁  
月交情在帆風客夢侵潞河南下水雙鯉任浮沉

題徐又次太翁泉石小照

先生澹蕩人不羈薄時務彈琴以詠風內足外無慕結  
茅虎林下湖隄足烟樹縹緲峯飛來冷泉相迴互是處  
最奇秀攜屐展高步竭來長安游衣塵改緇素所恃胸  
次超林壑領遺趣誰與貌清癯皎皎披雲霧老木上蔽  
虧奇石旁森布灑灑玉鳴漱絲桐理堪悟先生坐抱邾  
嘯傲安隨寓襟袖滴蒼翠清景肯虛度矧蕙後起賢著  
作手相付物外自葆真息心感遲暮始知出世人不受  
塵網誤山靈若有約卧遊恍如故持圖謝軒車請尋遂  
初賦

題廉訪懷清沈公遺像

我公奇偉姿長身等立鶴風神清且癯矯矯脫塵縛昔  
膺監司寄百蠻屢管鑰所至留惠政暫蹶復遷擢引年  
賦遂初雅尚耽巖壑結社擬香山差領林泉樂賤子忝  
葭末池上陪歡噓謂是逍遙公松喬手同握判袂時幾  
何虞淵日西薄吁嗟老成人杖履竟綿邈燕越阻千山  
生芻意虛託嗣君民社才迢迢赴京洛

表兄咸國以服闋補官入都

顧我出遺像鬚眉露岬岬平生仰止心回瞬惜成昨百  
年逝悠悠身名易蕭索古人期不朽生面開宛若不見  
張益州畫像存劍閣再拜抒此詞九原倘可作

邱二至山孝廉藏古墨百十二家既以顏其齋  
丙戌春入都時於寓齋出以觀客屬余紀詩

吾友古聞人好古富詞翰長安居再僦城東張高館訪  
之榻無塵圖史堆几案須臾陳錦匣未啓手先盥中藏  
舊隄糜斜整不可亂形模盡琮璧款識雜銘讚幽香與  
古光拂拭難為判予觀故用嘲君癖同好鍛胡不圖博  
古彝鼎爭愛玩否則譜書畫宣和跡重按抑或錄金石  
庶用資講貫正史訂既訛舊聞證未散斯乃膠烟姿歲  
久成漫漶廷珪永已矣是物無長算邵羅暨方程孰為  
諸家冠即今重曹氏紫玉等既灌著錄冀流傳質下名

誰惋矧乃置不用什襲加防扞何如之五都一丸購新  
纓持以狎丹鉛塗改復點竄有用貴珠璣無用賤薪炭  
君笑直至矧謂予苦相難同一嗜古癖奚為分畔岸寫  
意不留意昔賢片辭斷所聚雖我好不假澁囊換品羅  
百十二持贈居其半以彼膠漆交獲此雲烟看浮生恰  
與偕摩娑生璀璨不受即墨封不學子墨謾行將守吾  
齋心清參鼻觀奈何米家船揭牌逞汗漫感君達士懷  
媿予言河漢五陵事裘馬知白孰為贊我非豪奪人完  
歸復何憚

題徐誠齋太翁課孫圖

佳日秋更多新涼玉飈送松菊存貞姿竹梧列清供我  
翁憩林下雙孫攜伯仲微聞天香飄尚憶寒牕夢書帙  
浩隨身一一課使誦伯年未弱冠心會識已洞仲年甫  
垂髻背覆口無壘清聲峽流泉妙趣風解凍翁也顧而  
樂掀髯笑成闕問說翁壯時道高學該綜經笥宗賈鄭  
文壘摩屈宋芳蘭佩待紉巨鱗壑未縱今子特神駿早  
作天閑貢鳴琴擅風流華國任樑棟始知稽古力一經  
傳有用名材枝亦桐文羽雛即鳳暮景足怡悅想見含  
飴弄顧謂玉成器未可廢磨礱展卷益有餘晨夕聽吟  
諷即此謀詒厥絕勝羸金重我欲游翁門負笈勤過從

所慙殖就荒石田嘅誰種

胡持齋太翁七句 會元珊之尊甫

天都峯縹緲三十六芙蓉我欲尋雲海仙人多舊蹤九  
光巖下草五粒澗邊松遙想餐霞侶全家道氣濃  
第一蓬萊客歸時試錦衣傳經緣食德借隱早忘機耆  
舊今應傳鬚眉古已稀孤南夜來朗正照鶴南飛

題范蘅洲比部鄉景畫卷四首

朝市亦堪隱故鄉思慨然林園饒勝賞絲竹感中年獨  
樹方千島浮家賀老船舊時吟嘯地尋賦遂初篇  
斷碣搜秦篆飛梁訪夏梅平生蘊竒趣懷古獨徘徊一

虛白齋存藁  
別琴書晚經年冠蓋催故園亭畔月曾照掌中杯  
如鑑南塘路碧波相映空。莼鱸秋早晚蟹稻宅西東遊  
舫青簾慣。詩樓白雪崇。風流如少伯合在五湖中  
輞水莊前月宣城扇上雲。卧遊聊復爾歸棹亦徒云公  
負端倪望人期竹帛勲。圖中好烟景且付白鷗羣。

題席研農將母居園

小築湖邊柳外亭得官端合在西冷六橋煙水看來慣  
似否君家東洞庭

園栽草木定斲盆猶帶

宸游雨露恩阿母白頭留供在一枝春護此堂護

三百四十六

日花間御板輿拾從官閣賦閒居慈顏有喜春暉報  
不負冰霜八十餘

畫師笑倩圖家慶似隔金閨語碧紗聞說花開催放權  
滿湖春色屬儂家

中秋夜直四首

碧瓦無霜桂有花一輪漸看滿東華中天夜色歸三殿  
清禁鐘聲落萬家頻對露盤思把盞獨臨星渚問乘槎  
誰知此地今宵夢飛度關山道路賒

遙連瑣闥近晶簾盡訝光如鏡啓奩三五良宵獨端正  
九重清漏最深嚴無雲世界織塵卷近水樓臺皓彩添

身忝揮豪池上侶傍將多處得先瞻

宇玉樓瓊冷徹衣最高處識到人稀河斜左界飛鳥鵲

露下空庭泣紫薇騎省吟邀潘岳共同年洪伯初燭房

宴與謝莊違蓉社同年昆季選客醉月余以天街一片

涼於水願步清虛跨鶴歸

嚴更署裏櫟聲多尚踏雲階對素娥北斗迴懸雙闕夜

西風寒始洞庭波應知消息天邊近曾驗陰晴海畔過

去歲今夕回首生平轉蕭瑟又催金鑰聽鳴珂

法源寺看菊適馮星實洪伯初兩同年偕至

涼颼戰葉朝辭柯天空沈寥川始波登高有約悵莫踐

三百七十六

孤負爽氣西山阿城南古寺菊花好往把未許朝緋拖

幾人素心樂晨夕有客不速同經過促駕短轅倍輕輓

自攜茗椀蠲煩苛前掩洞門別徑入四開花圃羣芳羅

灌園老衲不曉事一枝珍護同曼陀霜苞未拆紙封裏

春苗半寄根移那園瓦作盆儼屏列編蘆得眼隨周阿

傾賞欲買菩羞澁舉袖思摘防譏訶吾人寓意豈留意

適來乘興胸無他如蘭臭味二子並春榮秋實資觀摩

平時論交重王貢早年得句輕陰何薰葭相倚我何幸

鬢絲竊自悲蹉跎入貫脩鱗坐貪餌被籠短翮非闕罔

南山東籬久拋棄天街踏徧塵盈鞞頃從辭若獲佳賞

如逃羈勒親烟蘿無酒欲招步屨飲有詩恰對盞輿哦  
並坐長松習箕踞重尋往碣煩摩抄徘徊那忍就歸騎  
統如暮鼓鳴靈鼉安得九日復會此滿頭爭插顏微酡  
立春日作  
祈穀壇開祀上辛東郊迎到 帝城春已將暖律還元  
化未許羈心動遠人花價拚酬離窖貴酒痕時驗瀉瓶  
新草堂尚有明朝約共鬥題詩現在身

傅巖溪宗丞以紀恩詩二首索和

月卿遷秩望逾增非為詞華騁獨能苑樹有輝多附萼  
海雲無際一飛鵬頭銜冷似冰長壯晚節高於旭始升

合遣勲名同介子

國恩日重報難憑

柏烏棠鵲後先鳴如玉心涵一片清此日官聲齊入手  
向來觴詠劇關情人豪酒德添新頌地迴吟壇索舊盟

余曾於癸未歲和公移居詩

好訪山川圖六詔不教鄉夢獨分明

單哲庵太翁六十

明湖風月鎮優游信合仙從地上求鮑井丹砂輸共餌  
謝階玉樹看長留已膺

錫誥來銜鳳不藉攜筇費刻鳩今日甲週高晚節一樽  
捧對菊花秋

送陶外君進士之官清水

離亭雪盡綺裘溫又送飛鳧出薊門首着官閒常健飯

葡萄地近始開樽上書徐樂真同調壁堂徐明府於前一月赴任東鄉

過嶺韓湘本從孫時攜令再姪教川明經同往肯負邑名清似水

臨軒親擢

主恩存

壽戴明經六十

談經據席擅名宗想見風流秀獨鍾雲海屐痕沾舊齒  
雪溪舟影泛新容千頭催種江陵橘三徑閒依彭澤松  
未用添籌向蓬島由拳城上有仙蹤

星朗弧南試綵時欣看佳氣溢雲楣照人光徹珠三樹  
對月香生桂一枝海鶴盤空隨舞近井蓮出水獨開遲  
絳中甲子煩重數添晉如山益壽厄

唐花四首

出窖名葩蘊火栽辟寒兼與辟塵埃須知雪虐風饕裏  
別有天香國色來漫訝春光先漏洩也關元化費滋培  
東皇相見應相謝不向番番取次開

梁州何用唱新詞頃刻穠華綴滿枝近苑尚輸開日早  
諸天不礙散來遲衙蜂繭蝶迷消息鬆几氈簾穩護持  
枉憶歸程嶺南見先春梅放總非奇

芳譜都將十客誇風光先占是京華吹噓巧借陽春脚  
位置真宜富貴家攜袖烟霏初染翰試燈風近正籠紗  
誰憐白石清泉側多少寒林未吐芽

非烟非霧認難真不分蕭齋值令辰新樣定增燕市價  
故鄉猶說馬塍春常思縮地壺中日未惹連天陌上塵  
轉瞬草芳鷓鴣語錦鞵同作冶遊人

題徐芳圃主事悼亡詩冊

空有名香試返魂玉臺人去鏡長昏殷勤筆格珊瑚架  
曾畫雙蛾舊黛痕

忍使卿卿喚奈何華年錦瑟怨方多祇須一曲腸堪斷

不比尋常薤露歌

膠絃未續守鰥魚小住前因費懺除賺得九泉人一笑  
金釵已卜再生餘

到海流波逝不迴偶逢小却便成灰勸君且學忘情侶  
曾讀南華鼓缶來

邵母徐孺人並其孫媳沈孺人節孝詩四絕句

母生系名門配作女兒繼遺孤鞠則那異苞宛同蒂  
叢蘭詎久芳矧遭秋飈摧巢覆期卯完寡鵠相徘徊  
有生母能養有死母能葬九泉逢所天一握笑相向  
烏頭樹高楔謂以風來者不見再世中冰霜兩心寫

題沈葭洲花下含飴圖

早梅開幾樹霽後更分明  
簾幕衝寒捲芬芳拂檻生攜  
樽宜此日繞邨若為情好  
向龍門望高枝百尺橫

秋聲八詠

素商驚辰長夜思旦聲猶在耳情見乎詞

風

候改氣旋肅蕭騷聞乍驚  
三秋應閭闔萬籟入商聲  
寂淺深院迢迢長短更無  
能賦歸去鄉味憶莼羹

葉

無邊紛以下誰免望秋凋  
清響露兼滴勁枝風自搖  
庭虛堆撼撼人靜踏蕭蕭  
榮悴吾何與且憑空際飄

三百廿二

雁

霜信佇將降飛飛秋杪逢  
數聲鳴未已孤客聽先慵  
關樹月千里塞垣雲萬重  
南翔翰爾便一為問衡峯

蟲

四壁斷人語微生時獨吟  
殘垣雜衰草幽響出重陰  
籬落有寒意機絲生倦心  
似聞歌唧唧當戶涕沾襟

砧

暮時聲已急忍向月中聞  
片石空閨婦寒衣萬里軍  
淒淒勞寄遠脈脈感離羣  
余亦久遊者含愁遲夜分

笛

衰柳不堪折曲中勞向吹有人腸斷處無賴月斜時舊  
侶渺難再故園行復思高遷一椽在知待賞音誰

箏篋

幽燕古重地城闕易秋風朔吹夜橫塞邊聲寒在空警  
霜嘶萬馬向月下孤鴻淒切龜茲部西來久叙戎

轆轤

井上連牀上轉時梧葉殘如聞水鳴咽相對斗闌干絡  
緯垂垂引琵琶續續彈卧聽渾莫辨深綆汲應難

附錄張蓉江同年和韻

滌暑澄西顯蕭蕭客乍驚遠分高樹勢寒帶落潮聲

野曠沙千里秋空月五更蓼花飛碧澗何處覓香蕙

風

秋林落殘響片片逐寒凋澹月半牀照空庭一樹搖  
窗間聽浙瀝風過感清蕭却憶滄波晚寥天任爾飄

葉

一聲邊月冷况復客中逢不識孤征瘁偏驚短夢慵  
霜清沙磧迴天白玉闕重好去依江瀨迴翔第幾峯

雁

鳴秋復何意孤館助微吟幽砌蘚花濕斷烟梧葉陰  
喧傳深夜響寒警綺樓心瑟瑟牀帷冷愀然為整襟

蟲

寒聲搗秋月夜靜最先聞素練淒風岸晨霜絕塞軍  
誰憐遠道夢偏憶久離羣斷續高檐裏羈愁忍共分

砧

夜闌羣籟息寥亮向人吹誰倚樓高處微飄葉落時  
江城望不極雒客劇相思一片關山月夫君欲語誰

笛

城高涼吹肅萬騎動西風關柝沉殘夜邊霜墜遠空  
送寒歸塞草飛響逐秋鴻冀北烟氛靜將軍正服戎

箏篋

獨向寒泉汲遲聲咽漏殘桔槔猜隴畔欸乃憶河干  
古井心如水平旋牀指一彈宵分徐領取機息漢陰難

轆轤

題阮吾山舍人前輩秋雨停樽圖三十韻

竹林古勝遊把臂稱二阮狂歌逞不羈痛飲叶嘉遯逸  
軌留清門遺芬繼非遠舍人才卓犖觀世態偃蹇時作  
吸川鯨恥同飲河鼉跌蕩長安居醉踏看花苑入秋慘  
不樂當杯謝繾綣寸腸日屢迴隻足夜常踈云抱伉儷  
悲同心感中壺談詩餘温厚習禮守嫵婉霜威隕蘭臯  
風力凋蕙畹新夢驚炊白舊函存加飯中年適遭此能

無悽以惋是時天霖潦九衢成泥坂殘篠碎琅玕敗梧  
散 琬短檠閉櫺椽空牀罷息偃故鄉盼迢迢芳儀想  
宛宛鏡破僅留臺掛遺自藏閫苦調絃不張哀吟枕難  
穩金樽那忍御矧將檀板混餘淚不可收寫圖得粉本  
情以黃門傳義與漆園反達人務曠懷太上啓元鍵盈  
虛嬗陰晴消長閱昏旦未聞生可延安得魂仍返二毛  
君始官臺省未衮衮笑鵬尚來鳩嘲龍豈無蠓陶寫賴  
此物忍斷徒貶損糟邱且再築秫田宜常墾萬事好破  
除相與還渾沌

詠煖炕

我生狎繩牀北來就磚土初卧畏火攻終宵覺良苦欲  
逃深甌炊披衣屢起舞稍久遂成慣枕席安摩撫有几  
低可凭通明向牖戶無資習翰墨箕坐屈雙股今冬春  
屬至寒深雪霜聚圍爐乏烏薪蘆簾費支挂藉此容衆  
膝團圞話肺腑未免針線工占及圖書府其下置茶銚  
雀舌試新吐咄嗟辦供客著手便攜取貧官住僦屋得  
之非小補要知風俗異南北各為主隨寓感一身所值  
盡和煦不見附熱人冷銚斷烟縷

覺生寺大鐘

鐘大如屋內外  
鐘法華經全部

六州聚鐵鑄何如慘甚當年莽革除飛燕孤城斜照外

鏗鯨猛簞劫灰餘枉憑千佛銷兵氣祇恐三車演謗書  
謂致身錄等書聞說轉遷更不易日勞過客一欵欵

經廢寺見娑羅樹花

清涼古佛樹麗殿幾枝芳綴作浮圖級披成瓔珞裝開  
依風日好遠謝螻蜂忙祇惜移栽久雙林半就荒

萬壽寺松

是樅是栝名難定盡化蒼鱗束白皮記得前從

圓殿見金鼇橋畔翠盈枝

芍藥

莫定花王數牡丹此花富貴合同看已教朶及盤盂大

二百五十二

更費苞將錦繡攢街口折枝憑擔壓砌邊移種驗根端  
豐臺醉宿年時事剪取千頭曉倚欄

觀友人從征

南過滇池萬里餘腰懸刀箭佐軍書儒生不少封侯相  
顧盼高鞍意自如

卷之五

詩經

卷之五 詩經 卷之五

詩經

卷之五

詩經 卷之五



